

B. N. C.
FIRENZE


1037


36



1037 36

1031⁹-36







P A R A D I S I
T E R R E S T R I S
D I S P U T A T I O

Ad Sapientissimum, Reuerendissimumq;
PATREM MAGISTRVM

GREGORIVM CANALIVM
Generalem Carmelitarum Antistitem.


A V C T O R E
P. MAGISTRO ELISEO RUSCONO S.T.D.
Carmelita Astensi.




PISIS, Apud Leonardum Zeffium. 1625.
SVPERIORVM PERMISSV.

THE
 R. A. D. I.
 THERESTAS
 DISVAT TO

ALBION, N. Y. 11710
 T. M. G. 11710
 GREGORIN M. G. 11710
 GREGORIN M. G. 11710
 A. C. G. 11710
 T. M. G. 11710



11710 and 11710
 11710 and 11710



D alta Paradisi contemplanda nos vocat
*A*quila vestri Stemmatis (Reuerendissime
 Pater.) suoq; conspectu Imperij Nuncia, vo-
 lucrum hac Regina Beatissimæ Regionis, ac
 Diuinæ (eius digna prorsus incolatu, qui Opi-
 ficis gestaret imaginem Sacrosancti) celsita-
 tem, felicitatemq; pramonstrat. Horti con-
 clusi portas, & magno Fonte sæcundi Leo

pandit, quò liceat situ præcelsa, ex orientium splendore syderum il-
 lustrata perpetuò: deliciarum quæ corporis, quæ animi refertissi-
 ma, pulcherrima, amoenissima Regionis intueri Beatitatem. Si-
 nuos tandem flexus oberrantes Aquarum, non solum perennibus
 irrigua riuulis arua felicia ostentant: Verùm Leonina sub Clau-
 labentes, Reserationem representant Cataractarum cæli, vniuer-
 salem & Cataclismum ante oculos ponunt, Omnem Terrarum
 Orbem (si vnum exceperis Paradisum) vel celsissimos terre
 montes obruentem.

Age iam ex Beati Moseos verbis Ratiocinationum nostrarum
 sumamus initia; hauriamus (Summæ Carmeli Pater) nostris au-
 ribus, quæ de Terrestri Paradiso admiranti sermone Magnus ille
 Vates erussat:

¹⁴ Plantauerat, inquit, Deus Paradisum volu præcis à principio.

¹⁵ *A*ltiloquus hic Moses diuina radiati capitis maiestate digna-
 tus (cui apparuit Deus, arcana aperuit) cælestis ingenij pennis
 subnixus, volatuq; sublimi, cuncta in, quæ patrarat opera Deus,
 intendit faciem, fulminans ut è machina tonitru: Doctrinam nullis
 antea mortalium calamis exaratum ab alto detulit, transmisit in
 litteras aërens.

In principio creauit Deus cælum & terram. Plantauerat autem Deus
 Paradisum volupt. à principio.

¹⁶ Præsentem animo intueri Mosem, sic differentem audire videor
 eo loci:

Genes. cap. 2
 num. 8. A.

eo loci: *Altissimus super omnia Deus, imperio creans, creata temperans Imperator, meritis suscipiendus, à quo & sublimia Caelorum, & fulgentia Siderum, & luminosa Solis, & Luna splendens, & lucida Aetheris, & Ignis torrida, & humida Aëris, & Marium spatiosa, & imperuia Abyssum, & ima Terrarum fundamenta substititunt. Dei spectator eslo, qui & hiatus profundus, qui antrorum caua, qui scatentia fontium, qui tortuosa fluminum, qui portuosa litorum, qui herboza riparum, pratorum qui florea, aruorum pingua, camporum fertilia, seminavit in Orbe lata segetum. Circumspice, discurrere Homo per opaca sylvarum, & umbrosa nemorum, frondosa ramorum, odora florū, sapida fructuum, amena vallium, aprica collium, ardua Montium, & phararum irrequieta mobilium, Empyreū aeternū quiescentis & Immobilem Regionem perpende: Quis hæc fecit?*

In principio fecit Deus Cælum, & Terram. Plantauerat, & Deus Paradisum voluit. à principio.

Quæritur quàm altè conditus, aut vbi terrarum Paradisus?

Magnus Basil. hexæmer. hom. xi. D. Aug. lib. 2. de Genes. c. 6. gr. Manic. c. 9. Isidorus li. 4. etymolog. cap. 3. D. Tho. 1. p. quæst. 102. artic. 1. D. Ioan. Damasc. lib. 2. fidei orthod. cap. 11.



*M*NI terra excelsior est, ad Orientalem plagam, plantatus in Eden. Sic & veracium Doctorum consentit auctoritas, & D. Ioan. Damascenus (cuius verba referam digna Cedro) clarissime omnium contestatur.

Quia Deus ex visibili creatura plasmaturus erat hominem ad suam imaginem, & similitudinem, tanquam quandam Regem & Principem universæ terræ, & eorum quæ in ea sunt; præstuxit ei quandam veluti Regiam, in qua diuersans Beatam; & ex omni parte felicem duceret vitam. Et ipse est Diuinus Paradisus Dei manibus in Eden plantatus: Lætiæ & voluptatis omnis promptuarium (Eden enim voluptas interpretatur) in Oriente vero omni terra excelsior collocatus est; optima temperie, & aere subtilissimo, atque purissimo splendidus; Plantis semper virentibus insignis, odoris suauitate refertus, plenusq; lumine, vniuersæ sensibilis venustatis, & pulchritudinis superexcellens intelligentiam. Diuinus profecto locus. ac dignus eius, qui ad imaginem Dei creatus fuerat, incolatu.

Damascenorum hic finis verborum.

Nec sanè Venerabilis Bedæ, Abba Babylonij, Magistri historiae scho-

scholastica Opinio habenda neglectui; tantam esse Paradisi altitudinem opinantium, ut summo vertice cælum, orbemq; Luna suo fastigio attingat. Hyperbolicè dicta putes, ac per exaggerationē quandam. Non enim fuit Beda nescius ob syderū contiguitatem, ob Solis viciniam, ob ætheris deslagationem, ob sublunarium ardores ignium, ob æris continenter circumacti vertigines, obq. sexcentas sursum quæ dominantur noxie qualitates, fore tunc inhabitabilem Paradisum. Quorsum ista? Ergo per similitudinem atque amplificationis gratia dicta sunt (inquit Angelicus) Quodd nimirum felix illa Paradisi Regio excelsa feratur, atque amœnitate, salubritate, tranquillitate, celesti Regioni, quæ incipit à Luna, sit persimilis. Etenim à censinio luminosi Cæli, ad aquarum fluida, ad Paradisiacæ penetralia Terræ extensus pervenit Aer ille, qui neque commotus ventos, nec concussus procellas, neque Epidemiam corruptus, nec nubila contractus, neque addensatus pluviâ, nec niuem solumosus, neque glaciatus grandinem, non turbulentus turbines ciet, neque succensus fulmina triculatur; sed tranquillissimus, æterna temperie expansus, blandientibus fauniorum flabellis ventilatur; felix Paradisi plaga clementioribus cæli radys exornatur Cherubica circumustitente manu.

Veniat Basilus, veniat Cyprianus: Vterque nobis referet Horti portas. Quid ultra differo?

Deus sua condidit manu peramœnam, ac delictis omnifariam diffluentem mansionem, locum utique omnem exuperantem creaturam, visenda pulchritudine suspiciendam & admirabilem. Locum dico prælustrem, & spectatu dignissimum, & qui ob situs celsitudinem nulla sui parte villas admittit tenebras, nulla tenebrescit caligine, quippe quem exorientium syderum splendor irradiat, & vndique suo lumine circumfundit. Retinet hic peramœnam ac iucundissimam Veris temperiem, lucidissimo collustratus, & splendidu aere, &c.

Post magnum Basilium ecce nobis mellitissimus Doctor Cyprianus.

Nunquam, inquit, excidit Dei locus, ubi iacet gratia, ubi virentibus campis terra luxurians alumno se induit granine, & redolente pascitur flore. Vbi altum nemora tolluntur in verticem: & ubi arbor denso comâ vestit. Omnia illic curvantibus ramis scena deiacens inumbrat. Omnia illic non frigoris, nec ardoris: nec ve in autumno arua requiescant, aut ut iterum Vere nouo tellus secunda parturiat; Vnius cuncta sunt temporis: Vnius Poma feruntur æstatis. Quippe cum nec mensibus suis tunc Luna deseruiat, nec per horarum Sol momenta decurrat, aut in noctem lux fugata concedat. Habet populos quiescentes, sedes tenet placida, ubi fons scaturiens mediis sinu alui prorumpens

Beda in 2. cap. Genes. Abdias Babylon. lib. 7. certaminis. Apollolici. Magister h. stotiz scho. lait. lib. 1. in Genes. c. 13.

D. Tho. 1. p. quæst. 103: & alibi.

D. Basil. hexam. hom. 11.

D. Cyprianus d. laude martyrijis ca. finem.

pentis emergit, & rauto per intervalia circuitu sinuosis flexibus labitur, ut in ora nascentium sibi fluminum diuidatur.

O Gemma Cypriani dicta; & Oraculum celesti mente prolatum; & liliata (& hęc exosculor) tanti verba Doctoris.

Ad Viridaria illa perennium riuulorum meandris irrigata, nūc ipso Disputationis ordine inuitamur; ad illam igitur Oculorum Panegyrim ostendendam Calamus conuertatur. Nam Fluius egrediebatur de loco voluptatis ad irrigandum Paradisum.

Quacunque Caeli conuexitas vergat, pulcherrimus omnium & amantissimus Paradisi locus; Hortus, inquam, eximio fonte irrigatur: qui primū Aquulis Vitro pellucidioribus saliens, leui dein murmure praterlabitur; & quicquid alluit, floribus uestit. Palentes ibi Viola spectantur, candida Lilia, purpurascens Rosa, ridensia florum labella; depicta rura visuntur, nunc radianti virore, nunc fulgenti purpura, nunc croco succenso, nunc rutilanti auro, nunc luteis, nunc rubris, nunc niueis, nunc aureis condecorata floribus, in quibus vix dignoscas Vtrum species amplius florum, an vis odora delectet. Vtinam & nobis cum Helia Duce Viridaria inter Beata floreis, aqueis, gemmeisque honoribus coronata liceat ibi oculos amānare. Libet saltem mentis indagatione perquirere.

Sitne vnicus ille Fons, & Fluius vnus?



MP LA Paradisi Regio est (ut nonnulli Recentiorum doctissimi autumant) magnitudinemque Vnius Regni nec parui possidet. Huius Terra non sanē tota in planitiem exspatians, sed & vallibus caua, & elata tumoribus, & in montes excitata, aut saltem in apricos Colles molliter eleuata consurgit.

Nunquidnam vnus iste ac solus, cunctos terra tumores, aut montium vertices, aut Collium saltus transiliat?

Claniger Caeli Summus Pontifexq. Martinus Michaeli scribens Imperatori, ad huius rei intelligentiam referat fores, prapandis limina, docens; singulare pro plurali sumendum in hunc sensum: Fontes ascendeant, & terra, & de Paradiso egrediebantur vniuersam illius superficiem irrigantes. Præterea, Fons simul & Fluius dicitur vnus, ratione conuexionis, quam in terra visceribus habent

habent omnes *Aqua*: licet reuera sint plures. Ad hæc, vnus hand ineptè vocetur qui in anfractus, ac sinus, varios & in Canales diuidatur; quinuè multiplici deriuetur alueo, & per inferna ac super-na terrarum Deo, moliente diffusus, Vniuersa irrigando sacumet *Viridaria Paradisi*. Hæccine pluribus probari possent, si quid ad edificatiōem cordis proficere viderentur; sed quia prolixius occupari, infructuosum negotium est: ad vnum magis fontem (*Antistes deuotissime*) intendamus animum, atque ad Fluum illum, in quo vitæ sit saltus, & profectus eterne.

Fluius iste est Dominus meus Iesus, qui de duobus locis voluptaria egreditur, ex vtero Patris, & ex vtero Virginis. Egreditur ergo Identitate de vtero Patris, quia idem est cum Patre. Idem dico secundum substantiam, non Personam. Egreditur, & Aequalitate, quia Patris omnipotentiam recipit, cum omnia quæ possit Pater, possit hæc & Filius. Egreditur, & Aeternitate, quia licet generetur, non tamen est posterior Generante, sed ambo vnius antiquitatis. Egreditur Similitudine, quia similis est Patri, Patris Imago, splendor gloriæ, & figura substantiæ eius. Egreditur Alternitate, quia alius est ab illo, Alius dico, nõ Aliud; Ego, inquit, & Pater vnum sumus. Vnum, non Vnus, quia Vnum significat substantiæ vnitatem; Vnus verò Personarum proprietatem. Sic igitur & longè excellentiori modo de Patre Filius Egrediens, inundat Angelicas stiones. Egreditur & de Vtero Matris, non enim est locus voluptatis, nisi vterus Virginis. Ex hoc Egreditur Humanitate, quia vestitus Cilicio nostræ mortalitatis, visibilis humanis oculis apparuit. Egreditur & cum Nouitate, quia nunquam sic natus est Homo. Solus iste de sola Virgine nascitur. & Virginis vterum nouo & singulari parten Diuinitas Humanata figillat. Egreditur etiam cum Claritate: nascente quippe illo sepelitur omnis illa stellantium luminum luminosa serenitas; & stella candidior lucidioribus radijs præscintillans, totam sibi cæli rapit portionem. Ambulant Reges in splendore ortus sui. Egreditur & cum Paupereate, quia in pannis vilissimis reclinatus, iam ex tunc sanctissimis mēbris legem martyrij præfigebat. Egreditur Occultè, quia subtilissimus ille fraudum Inuestigator, tantæ ab altitudine dignationis excluditur. Sequitur ad irrigandam superficiem terræ; idest ad terrenam miseriam expiandam, quam nobis in hæreditatem Primus ille Peccator reliquerat. Christus ergo factus est nobis Sapiētia, ab ignorantie tenebris liberando. Iustitia, funes peccatorum soluendo. Sanctificans nos in suo corpore. Redimens in Corporis Passione. Dominus eleuatus in Cruce largissimæ sanguinis vndas à quatuor partibus sui corporis abundantius effudit.

Hæc ferè ad verbum protuli ex Diu. Bernardo, aut si mauis de B. Petro Damiano; Cuiuscunque dicatur: flumen magna mentis est hic sermo.

Altum nobis Pelagus incedendum est volentibus de Diluuij Causis

D. Bernardus serm. 2. de Natiuitate Domini. Et si magis videat. dicen.

Pierius hie-
roglyph. de
Leone lib. 1.
titulo Inun-
dat. fol. 10.

causis disputare, in quo Cælum & Terra pariter commota legun-
tur: & influentes aquarum moles conclusum genus hominum, ad
omnium animatum exstinxere. Cegit nos Leonis vestri gestamen,
ostentata Clavis, & sublabentium aquarum Canales de Diluvio
aliquid edisserere; Namque apud omnes vno iam consensu receptū,
ut Canales, Tubiq; & Siphones per terebrata foramina in Leonina
capita immittant aquas, qua inde ex eorum rictibus euomantur.
Ecqua istiusmodi consuetudinis ratio? An quia, cum Sol Herculei
terga Leonis adit, Nili Diluvium excitat? An quod Leonis con-
spectus Aquarum demensstret incrementa? Sapientissimi annue-
runt: quis hæc abnuat? Mitto nunc magni, generosi animi simula-
crum vestris præferre insignibus Leonem, cuius in arce pectoris
Virtus ipsa Clementia collocatur. Nihil dicam de præconijs vestris
(Paradisiaci Carmeli Præsul Clementissime) veritus ne sibimet
imperanti modestissimo ingenio vestro sim molestus. Igitur ad
mentem aduocemus Leonem Diuinissimum, at horrendum, cuius
fremitu contremescunt cæli Cardines, & Inferni Porta; quo rugie-
te immania Phocarum Corpora maris obruta fluctibus pertime-
scunt; quo mugiente remugiunt Tonitruum fragores, volitant pro-
cellæ; ruunt fulmina, depluunt grandines, hiant cataraçtæ, pandit
fauces nubium Oceanus, & frementi Diluvio terras obruit.

Nunc ad rem.

De causis Diluvij inter Doctores non parva Requisitio versa-
tur; Quamquam nos duas esse fateamur: Cælum, & Terram.
Terram, inquam, quia rupta fontium Abyssi magnæ; quia terrena
moles resoluta est magna ex parte in aquam; quia flumina plus
nimio aucta redundarunt; quia supra modum intumescere maria, &
suis excitata sedibus procurrerunt. Cælum etiam causam dixerim,
de quo continuati imbres, nec interdiu nec noctu per dies quadrage-
nos intermissi; Orbem flagrare terrarum. Verum maxima
causarum dicitur, Omnipotentis Dei voluntas.

Ecce ego adducam aquas Diluvij super terram. Ego pluviam super
terram 40. diebus, & 40. noctibus; & delebo omnem substantiam, quam
feci de superficie terre.

Hæc adnota & referante Clavi, sequitur mosaicum illud.

Rupti sunt omnes fontes abyssi magnæ, & Cataraçtæ Cæli apertæ sunt.
Sed penè præterieram, quod vel præcipuum est.

Ex Seneca
lib. 3. natu-
rali quæstio
num.

Genes. c. 6.
& c. 7.

Genes. c. 7.
v. 12. B.

Ec-

Ecquodnam id Cælum creditur, cuius Cataractę
apertę sunt? Cœlumnè stellatum, syde-
reum? an instellatum & aëreum!



XIMIVS plane Doctor, omni & studio-
rum genere Insignis Pater Benedictus Pere-
rius, opinatur Mosem propriè non esse lo-
quutum de Sidereo. Idemque duobus hinc
petitis iaculis Aduersarios laceffit, ac im-
pugnat.

Etenim, inquit, ut Aquę illę defluerent in
terram, necesse fuisset Octo cœlos: idest Septem
Planetarum, & Octauum inerrantium siderum, super quod isti credunt
Aquas illas esse locatas, disrumpi, ut illis Aquis descensus in terram
pateret: & rursus eosdem omnes cœlos occludi & redintegrari, quod
valde alienum est incorruptibili naturę cœli. Deinde aut tota illa a-
qua defluxisset in terras, quare locus cœlestis, quem antea implebat,
totus remansisset vacuus; Aut pars tantum illius aquę defluxisset; re-
liqua igitur aqua, quę remansisset, frustra & superuacanea fuisset, cum
nullo tempore amplius futurum sit Diluuium, sicut Deus promissit.

Hac Pererius.

DICO tamen Mosem hic propriè locutũ de Sidereo. Antequam
probem hoc, nolim ignorare Lectorem veras Aquas, & Elementa,
res supra Firmamenti terga ligari. Adducam Lymphidissimos Ec-
clesiæ fontes, e quibus supercœlestium hauriatur aquarum cognitio,
ac plenis crateribus bibatur. Hi sunt Iustinus Martyr, Magnus
Basilius, Dini Ambrosius & Augustinus cum Venerabili Beda.
Si urgeat Interrogator: Aquam per se labilem nequire supra cęli
dorsum consistere sed fluxuram fore necessariò deorsum; Respondet
Basilius super conuexa, quę rotunda nõ est, superficie cœli residere.
Augustinus non iam illic vaporali tenuitate, sed glaciali ferme,
docet soliditate pendere. Atq; de terris ad hæc probanda mutuan-
tur ex. *plum*; quia sicut Situla aquę plena circa caput forti bra-
chio regyrata, non permittit aquam, villo modo descendere ob motus
velocitatem; Ita & calorũ vertigo citissimaq; rotatio, aquarum
supercœlestium obstat descensui. Nonnulli cœlestium ardori sy-
derum, & sidereo calori adscribunt suspensionem aquarum. Nec
desunt, qui ventis perstantibus, & quasi subsidentibus ventorum

B

umeris

*Perec. in Ge-
nes. lib. 12.
disput. 5. nu.
25.*

*Ex Bachone
quodlib. qu.
11. art. 2. & 3
Iustinus mar-
tyr respon-
sione ad 93.
quęst. ortho-
doxorum.
Diu. Basil.
hom. 3. super
Genesim.
D. Ambros.
lib. 2. in he-
xamer. c. 2.
D. Aug. li. 11
de Ciuitat.
Dei c. vlt.
August. de
Genesi ad li-
terar. lib. 2.
c. 5. in fine.*

Beda in lib.
de Nat. rer.
& in hexame-
ron.

humeris aquas opinetur sustineri. Clarius & verius Beda Divina
id potentiſſe dat, nubium exemplo. Non enim minus facile est in-
quit, omnipotenti Deo tenere aquas super Cælum ſidereum, ſive li-
quidas, ſive modo chryſtalli congelatas, atque concretas, quàm
(quod facit quotidid) tenere aquas in ſublimi aere ſuſpenſas, unde
tantus fit imbrum deſluxus: quod loco miraculi prædicat Iob de
Deo:

Iob, cap. 26.

Qui ligat aquas in nubibus ſuis, ut non erumpant pariter deorſum.
Ipſe enim eſt, qui undas rubri maris atque Iordanis in ſublime
erectas, & murtorum ſimilitudine firmatas fecit conſiſtere.

Dubiatio.

Noui nunc ſcopuli aſſurgunt; noua ſuboriuntur hic difficultates.
Dicat etenim Aliquis cum Pererio Patre. Aqua ſupercæleſtes,
ſunt naturaliter ibi, an miraculoſe librata? Quæſne? Elemen-
tares? Si tales, quidni ſolaribus à radijs corrumpantur?

Nemo. Pexitorum putarit (ſic bene Pererius) in naturalibus
ad miracula recurrendum. Quomobrem cõſultius dixerit Aquas
naturaliter Cælo librari: cum & naturalis aquarum locus (& qui-
dam incorruptibilium) reperiatur in calis: De quarum incorrup-
tibilitate inſua Patrem audire Ercanum:

Pater Marti-
nus Becanus
de opetibus
ſex dierum.
c. 3. de firma-
mento, nu. 9.
fol. 564.

Aque illæ ſupercæleſtes ſunt quidem corruptibiles: ſed tamen actu
non corrumpuntur. Vel propter qualitatem loci conſervantem; vel
propter ſummam reſiſtentiam; vel propter qualitatem aliquam ipſis
impreſſam, qualem etiam habent corpora glorioſa & damnaſorum;
vel denique quia Deus denegat ſuum concurſum, ad omnem alteratio-
nem, quæ corrumpi poſſent.

Oleaſter in
c. 7. Genef.

Unde igitur Probamus, Cælum vere ſydericum, cuius fenestra
& Cataractæ ad aquas effundendas ſint apertæ?

Quia non aliter poſſumus (ait Oleaſter) quàm ut littera habet,
intelligere. Quare taxandi ſunt, qui potiùs volunt ſacràm ſcri-
pturam Phyloſophiæ legibus ſubdere, quàm (ut magis decet) Phy-
loſophiam tanquam ancillam illi deſervire. Et ſicut Moſeos by-
ſtorica, ſic & vera loquutio dicatur oportet, non metaphorica aut
figurata. Eccum igitur Din. Auguſtinum longè ante Oleaſtrum
optime ſancientem.

Din. Aug. de
Genef. ad lit-
eram lib. 2.
cap. 5. in fine

Quoquomodo autem & qualeslibet aquæ ibi ſint: eſſe eas ibi mini-
mè dubitemus; (De Cataractis ne ſecus iudices) Maior eſt quippe ſcrip-
turæ huius authoritas, quàm omnis humani ingenij capacitas.

Prodeat alter noſtri ſeculi Scriptor Auguſtinus Eugubinus,
& modum Reſerationis aperiat.

Verifi-

Verisimile est, ait, Diluuij tempore cælum multis locis patuisse, a-
 quarumque vasta flumina inde maximo fragore delapsa esse. Inter A-
 quas enim positum esse Firmamentum, traditur in Sacris litteris; in
 quibus etiam supercelestes aquæ celebrantur; Cum igitur etiam su-
 pra cælum sint Aquæ, quæ à nonnullis Cælum Crystallinam vocantur,
 has credendum est patefacto cælo horribiliter erupisse, breuique totum
 orbem inundasse; nam his quoque aquis erat opus ad efficiendum gene-
 rale Diluuium: Alioqui si imbrisbus tantum res acta esset, non modò
 quadraginta dierum, & noctium pluuia, sed nec quadraginta quidem
 annorum tanto Diluuiò efficiendo satis fuisset.

Hæc Augubinus.

Ego me plurimum deferre, & debere fateor Pereria Patri; at
 multo plura Patribus et Prophetica veritati, cui obuiare nequeunt
 argumenta Pereri. Primum repella sic: Incorruptibilitatem natu-
 ræ cæli à Pereria supponi, cui tamen in cælo acrorum Virorum
 Classis & sapientum opponitur. Non multi calorum disrumpū-
 tur (quia Cælum mobile Vnum esse clamamus): Vnicum disrumpi-
 tur oportet. Sed esto. Etsi ergo cuncti Calorum mobilia ape-
 riantur: non id fatemur incongruum; quia & Canales (Doctore
 Hurtado) dantur in cælis, per quos oberrent sidera; Quemadmo-
 dum Stellarum lapsus miri visuntur sub Auroram (Cometa dicū-
 tur:) qui vagi lumen syderis imitantes, longo velut Canali lumi-
 noso, ac lineali tractu præterfluendo labuntur. Vel cæli disrum-
 puntur, non quæ solidi, sed quæ fluidi sunt (quod & fusè probabi-
 tur cum de Cælo Deo Dante dicemus) eorum quæ fluiditate, occlusio
 & redintegratio calorum facile congruat.

Ad secundum. Non rasa defluxit, sed Pars: Quæ sit, igno-
 ratur. Ingens creditur aqua portio descendisse. Nec natur in
 Cælo Vacuum, quia remanentibus rarificatione Aquarum cæli loca
 replentur. (quæquam aliquam vacui partem nunc in sublunari-
 bus: tunc in subterraneis, & supercelestibus dari, non improba-
 biliter fatemur.) Reliqua autem Aqua, quæ remansit, non Di-
 luuij causa seruetur, sed ob alias.

Si verò cuiuspiam animus vagari velut per cælestia volens,
 curiosius rogare non desistat: Curnam super cælum collocentur
 Aqua? Respondet ex Theodoro Procopius: ne cælestis substan-
 tia ex aquis conglaciata, sidereis aut solaribus radijs dissoluatur.
 Basiliius, & Beda volunt temperare calorem, quem calorum mo-
 tus celeri rotatione producit. Procopius ad reuerberandos solis
 radios, & ad terram detorquendos existimat. Iustinus ad perur-
 gendum

August. Eu-
 gubinus An-
 notation. in
 Genesim ap-
 pud Pereri.
 lib. 12. n. 23.

Ad argum.
 Pererij.

Pater Hurta-
 dus de Men-
 doza de Cæ-
 lo disp. 2. §. 1
 nu. 9. & seq.

Theodoret.
 & Procopius
 Basiliius, &
 Beda.
 Procopius.
 Iustinus.

Pater Don
Redemptus
Baranzana
Non. opin.
Physic. digla
diatione 18.
Theoremate
13. fol. 147.

gendum, ac premendum Firmamenti corpus ne ad Empyreum
cualet. Pater D on Redemptus Baranzana, ad Beatorum oculos
mirè oblectandos:

Crystallinus humor, inquit, Empyreï luce circundatus, pulcherri-
mas producit lithagines, quibus sanctorum oculi pascuntur.

Ego virentibus ætatis, et quas supra summum, & intra
calorum, penetralia diuinitus collatas, vel ad Solis, Lunas,
Stellas, qua in Christi natiuitate fulserunt, efformandas; vel ad

inane replendum; vel ad varietatis decora; vel venusta-

tem calorum; vel ut Canales obstruant; aut ignibus

obstent; aut flammis temperent; & coercerant

solis radios; & reparent aquas sublimares;


aut si ob alia, quis enumeret omnia?

Pauca hæc de plurimis delibasse

sufficiat aliis pro-

peranti.





QVILA grandis magnarum alarum, volucris subnixa pennis, calorū vicina conscendit. Eademque toto illo plumarum instructa remigio, ad ipsum (vt ita dixerim) aetheris fastigium sublimata, paululum cunctabundo Volatu pendula circumspiciens: nescio quid humana voce grandius locuta de caelo, intonuit.

Paradisus, en permanet; nequaquam perijt Aquis.



PRIVCANDA Durantis etiamnum Paradisi, at difficilis Disputatio inter Principes Theologos discrepantibus sententijs agitur. Negantis, Recentiorum Plurimi. Aientis autem Sententiae, Victoris vna, & Inuictarum rationum perstat sacra Phalanx. Negant Augustinus Eugubinus, Iansenius, Oleaster, & praesertim Pater ille omnibus maximarum artium disciplinis politissimus Pererius qui certe contra Assertores non vno ariete molitur.

Primo, quoniam Terrarum Orbis luctuosissima facies tota proterita fuit aquarum molibus; quarum altitudo tanta (Mose clamante) fertur vt omnes omnino celsissimos terrae montes quindecim cubitis transilierint. Cumq; Paradisus in hac nostra Terra fuerit; Ergo & illa generali Orbis Eluione dissipatus: quia & vniuersalis est locutio Mosis.

Genes. cap. 2
nu. 10. B.

Secundò; quia si immanis, horrenda, vniuersalis exundatio Paradisum non attigit: frustra duorum spectator Aënorum Patriarcha tam ingenti labore, tantaque annorum serie Arcam toto Orbe per celebrem architectatus esset. Poterat enim cum Vxore, & Prole, & animantibus in Paradiso seruari.

Tertiò: Paradisi in Orientali plaga constitutio, Ducum precipua fluminum indagatione, deprehenditur, Tygris & Euphratis, (ut ostendit Moses;) At horum fontes visuntur in Armenia: cursus in Mesopotamia, & Assyria: exitus verò in sinum Persicum à Cosmographis designatur. Nusquam ibi gentium, nusquam terrarum Paradisus apparet. Restat ut perisse dicatur.

Iustinus mar
tyr respons.
ad qq. ortho
doxor. q. 75.
D. Aug. lib.
19. de Genesi
ad litteræ c.
6. & alibi.
D. Ambr. in
cap. 4. Epist.
ad Romanos.
Diu. Hieron.
Magnus Gre
gor. & alij
apud Bellar
min. & Peter.
D. Tho. 1. p.
q. 102. art. p.

Aliiunt communiter Alij, quorum est opinio constantissima, omium sanè Patrum numerosissimo exercitu pro illa pugnante. Hi sunt micantes de cælo Stella, & pro Paradiso dimicantes iussu Iustinus Philosophus, & Martyr; angustè Augustinus: inclytè Ambrosius, Hieron. Gregorius Magnus, Athanasius, Damascenus, Hydrarus & omnes: quas sequitur supremus Ecclesie Senator Cardinalis Bellarminus, qui & strenuè defendit Paradisi Cardines. Lubens sequor & ipse amplector hanc sententiam. Quidni amplectar? Habet arietes fortiores, quibus opposita propugnacula subruantur. Pro qua:

Statuendum I. Paradisum in Orientali plaga quidem, non tamen in Mesopotamia aut Armenia, sed in loca ab hominum cognitione remotissimo plantatum. Scitè ad Orientem (quod & ex antedictis probauimus) communi Patrum, & Scholasticorum placito; Namque decuit deliciosissimum Mortuum Ortum in Oriente nancisci, in quo nobiliora nascuntur. In Oriente primigena lux; In Oriente ex primordiali luce Sol factus; In Oriente cepit à Motore rotari; Ab Oriente prima radiorum illuminatio visa. Ad Orientem (ex Damasceno) conuertuntur Oxantes, & recodatione amissi Paradisi suspirent. Eò & spectant Christianorum Ecclesia, quas Orientem amare solitas decuit Tertullianus. Hinc est, quod de Orientali Paradiso Septuaginta Interpretum consona tuba canit.

Plantauerat autem Deus Paradisum voluptatis ad Orientem.

Alteram Conclusionis Partem statuunt de Purpuratorum numero Bellarminus, & Recentiorum Theologorum Apex Svarius. Patet.

D. Damasc.
lib. 4. fidei or
thod. c. 13.
Tertull. lib.
cont. Valen
tinianos nò
apcul ab ini
gio.
Bellarm. to.
3. controuer
sas. l. c. 12.

Pater hac ratione: Quoniam quatuor à Paradiso manantia Flumina, vocantur: Phison, Gehon, Tygris & Euphrates; Quorum postrema duo fluunt per Mesopotamiam: ceterum non ibi oriuntur, sed in Armenia fontes habent; Quare Armenia potius (quod nullus dicat) quam Mesopotamia congrueret Paradisi nomen. Accedit, quòd duo priora (quæ etiam Ganges appellantur & Indus) non Assyriam, Mesopotamiam, Armeniam: sed distantissimas alluunt oras Asia; cur non itaque ibi potius, quam aliubi destinatur Paradisi plantatio? Ergo præstat cum Augustino fateari, ab hominum dignoscencia remotissimo in loco plantatum.

Statuendum II. Paradisum ad Asiaticas oras, quas Ganges & Indus alluunt, situm esse: & propter varia impedimenta inaccessibilem. Dua conclusionis partes singulariter discriminantur. Prima sic: Quotquot in Mesopotamia situaltem plantationem constituunt, eandem vel maxime ex Tigris & Euphratis per Mesopotamiam decursibus; & ab ipso Moysè coniectant. At Moyses Flumina à Paradiso manantia historice narrans, à duobus Phison, & Gehon tanquam maioribus & dignioribus incipit ordinare; Igitur & ab illis ex Moysè nobis præcipua Paradisi coniectatio est, assumenda. Phison & Gehon olim; nunc Ganges vocitantur & Indus: ab hoc tota India Regio nomen sumpsit, sicut Ganges à Rege;

Phison enim significat, Ceterum, propterea quod decem magna flumina aquas suas in ipsum exonerant: à Græcis, Latinisque vocari Gangem, à Gangaro Rege Indorum.

Verba hæc athymologizantis Isydori. Reuertamur, unde digressi. Paradisus Paradisiacis annibùs indagandus; an nium verò maximum à primi quo sunt (ex Moysè) Ganges & Indus; hi autem bini ad Asiaticas oras decurrunt: perluunt intermedium (quæ & maxima Mesopotamia à magnis viris appellatur) Orientalem Indiã. Inuia verò nec pauca mortalibus loca ibi esse feruntur; Ergo & inibi plantatio Paradisi.

At inquires: Ergo & adiri potest (quod obstat alteri parti conclusionis.) Consecutionem hanc pernego: sicut & punctualem Paradisi situationem ad amissum sciri posse, millies nego. In Oriente est. In India est; inter Gangem & Indum est; In monte est; tangi, aut adiri non potest:

Quia Bestia quæ tergerit Montem, lapidabitur. Locus ille seclusus est à nostra habitatione aliquibus impedimentis, vel montium, vel marium, vel alicuius à uosæ regionis, quæ pertransiri nō possunt; & ideo sanguines locorum de hoc loco mentionem non fecerunt.

Div. Aug. de pecc. origin. cōt. Pelagius lib. 2, c. 23.

D. Isyd. 13. lib. etym. log. c. 21.

D. Tho. p. p. q. 102. nu. 1. ad tertium.

Hic Empedocles athnais velut ignibus sese dedat. Hic Aristoteles ad sui interitum inueniat reciprocationes Eurippi. Hic Samaritę Leones, Vrsos pueri, Israelita Dracones; Hic Dathan & Abyron horrendos reperiant terrę biatus. Quis non exhorreat Cherubicū Numen illud adstans, dominās, & circumcingens Paradisum? Aut quis in deuoratiuem punitiui, & exitialis gladij obijciat sese? O Gladium verē pertimescendum & versatilem, obuersante nimirum perpetua mortis imagine, prę coruscationibus oculos perstringentibus, prę fulgoribus toto aëre discurrentibus, prę fulminibus horrendo cum fragore effracta nube decumbentibus in terram, prę flammarum velut riuis d cælo precipitantibus. O Gladium Homini, d & Cherubin tremendum Dæmoni. Ecce Magni Prasulis aurea tuba Isydori ad pradicta credenda nos excitat, talia verba canentis.

D. Isyd. his-
pal orig. lib.
14. c. 3.

Cherubin, hoc est Angelorum præsidium arcendis spiritibus malis super Rhompheę flagrantiam ordinatum est, vt Homines flammę, Angelos verō malos Angeli boni submoueant, ne cui carni, vel Spiritui transgressionis aditus Paradisi pateat.

Stratuendum postremò: Paradisum Orientalibus oris constitutū adhuc in eo statu, amēnitate, & voluptate seruari, in qua creatus est. Conclusionem hanc sacra Antiquitas statuit: quam & noua secula venerantur; comprobant Recentiorum Doctissimi in hunc modum. Primò, quia fidei Oraculum est Paradisum aliquando fuisse, quem speciatim destructum esse non constat. Nam Moyses, qui cuncta de Paradisi plantatione tam accuratè perscripsit; ne meminit quidem (vel vno verbulo) destructionis. Immo & credentium auribus insonat, intentionis Dei fuisse seruare in omne tēpus Paradisum: cū palam edoccat, Deum ante voluptatis horti collocaße Cherubin ad viam Arboris Vitę custodiendam. Ergo & credibilis, in hac vsque tempora seruari. Secundò quia punitio sequitur criminosos, sicut vmbra corpus. Principes nonnisi Rebellium aut Coniuratorum Domos subruunt. Diluuium iuste hominibus ac Terris immissum, propter hominum Deo rebellium infandas conspirationes. Pœna Diluuij Diluio peccantium debebatur: is dico duntaxat, de quibus eruperant libido, semulentię, luxuria, diuersorum criminum prolapsiones; propter eos, inquam, qui in suarum inundatione cupiditatum, obscenitatum Relago, & execrandorum scelerum voraginibus demersi detinebantur. Debebat & Terra peccatis hominum inquinatę, non verò impollutę

Genes. c. 3.

incon-

incontaminatę, & sanctę Paradisi, culus & Cherubin Custos, & fidelis ac Deo placens Henoch fuerat Sanctissimus Habitor.

Tertio, Rationis paritate roboratur; nam quemadmodum Arca illi Noetica (qua Portatilis Paradisus erat) non potuerunt nocere Diluvia, Angelo deforis claudente, Deoq. Noachum custodiens, cuncta seruante, gubernante Arcam propter Noe. Ita prorsus dicendum videtur Henoch in Paradiso; & hunc propter illū à Cherubim custodiens seruatum. Posuerūt extra Arcam Noe, Henoch extra Paradisum per aëra volitantes ferri ab Angelo: si d. bonum quilibet intra sua loca Deo sic ordinante contenti. Quarto, (Et est præcedentis comprobatio) ex Henoch, & Helia, qui sub mundi finem disseminaturi Christi fidem, nunc delicijs perficiuntur Paradisi, in quem translati sunt. De Helia testatiss. n. ex traditione creditur. Cuncti pariter Ecclesiasticorum fatentur de Sanctiss. Henoch, qui sexcentis sexaginta nouem annis ante Diluuium, raptus est in Paradisum. Salomon est, qui in suo lumine, huiusmodi raptū & Paradisi loca nouit, predicauit cognita Ecclesiastici c. 44. dicēs:

Henoch placuit Deo, & translatus est in Paradisum ut der gentibus penitentiam.

Ecclesiast. c. 44. nu 1. 53

Itac nostrę rationationis nervi contendunt, ut & multis quibus Henoch potuit seruari modis, congruentiorem ostendamus.

Quidam somniant Paradiso deletō, per totum Diluuij tempus Henoch incolam in terra penetralibus seruatum. O acutē exco-
gitatū! Ergo tenebricosa Carceri tanto tempore additus? Quis aranearum telas cauernę prætexit, quibus non iam à Saul hoste David, sed Henoch à persequenti Diluuiō tutaretur?

Alii non corde Terra sed Maris, aut in vtero Ceti cōclusum putant. Fateor cum Chrysostomo:

Quodd Ionę Cetus triduo subiugalis fuit, & quod intus gubernans, nō quod ipse volebat, ducens.

Ambrosius illud, & ait:

Emendauit Aquę, quem terrena deslexerant.

Henoch autem Deo obediens, ac placens, non debuit tam male olentiu emendatione viscerū sine culpa rependi: nec arca Restus collocari inferior. Hoc cōmentum nunquā generosos animos ad assensum pelliciat; quin potius tanquā nauseabundū generet euerisionem ac stomachum. Nonnulli imaginantur Henoch ab Angelo elatū euolasse per aëra (ut de Abacuch fertur) aërei tramitis iter carpentem, postea redditum terris. Desur hoc illis: ubi autem obso-

nia,

D. Io. Chrysost. in psal. 9.

D. Ambros. hexamer li. 5 cap. 11.

Daniel. c. 14

nia, ubi prandia? Dantur & Henoch ista; ne centum quinquaginta dierum spatio prematur inedia Sanctus Homo.

Potuit in sinu *Abrahae* aut *Lymbo Patrum*. Potuit in intimis terra, aut in abyſſo. Potuit aquarum profunda ſicco perambulare: veſtigio, ac ſuſtus ſummus. Potuit *Apoſtolorum* inſtar (in Dormitione *Deiparae*) aduolare; vel *Ignis* deportari *Carru* ut *Helias*: vel radio ſolis cuculla ſuſpenſi, ut *Goar*; vel *Ignis* ſub *Luna* ſeruari, ut in fornace tres *Pueri*, *Mofes* in *Rubo*. Potuit & in Sole poni tabernaculum eius ſuper. Aquas Firmamenti librari, ad *Empyreum* extolli quouſque daret gentibus poenitentiam. Sed qui nondum obierat, qui & nunc uiuit, *Virgo* in *Virgine* terra; in loco Sancto Sanctus, Horto voluptatis perfruitur *Diuinæ* obediens voluntati: & Deo placens pro Dei placito poſitus in *Paradiſo* ſeruatur.

Henoch placuit Deo, & translatus eſt in *Paradiſum*, ut de Gentibus poenitentiam.

Quicquid Pererius ex aduerſo nobis occinat iam maniſteſtum eſt Nequaquam periſſe *Aquis Paradiſum*. Eius obiectionibus retrogradando Reſpondeo.

Poſtrema occurro, ſuam illam indagationem repellenda ex *Tigri* & *Euphrate*, quoniam propoſtera eſt & fallax, neque *Mofaice* narrationi reſpondens. Miror virum oculatiſſimum haud peruiſiſſe hoc totum, quod & maniſteſtum fecimus in noſtra 2. Concluſione.

Media ſic reſellitur: Poterat & Henoch in arca ſeruari, quemadmodum *Noë* in *Paradiſo*. Deus noluit. Nec tamen fruſtra *Noë* arcam fabre fecit, in qua deſcivit (Deo ſua mandante) ſaluari.

Primam repellimus hoc puſillo: Locatione; Propositionemque *Mofis*, indefinitam eſſe, non vniuerſalem; proinde ſolū de montibus intelligendam eius terra, quæ habitationi *Hominum* poſt lapſum *Ada* fuerat deſtinata. Quemadmodum & generaliter à *Mofe* diſtum:

Consumpraq; eſt omnis caro, quæ mouebatur ſuper terram, Valuerit *Homines*, &c.

Et nullū minure excipienda veniunt *Animantia* & *Homines* in *Arca*: Henoch in *Paradiſo*; *Paradiſus* in *tertiis*. Quintū ſi *Diſtinctum* eſt *Terra* & *Aere*, non autem (ut *Pererius* conſendit) & *Cælo* ſyderis factum eſt: Vera mihi videtur *Caietani* Reſponſio hiſce verbis allata.

Apparet quod *Mofes* non loquitur de omnibus montibus excelſis ſimpliciter & abſolute, ſed de illis tantum, qui ſunt ſub eglo, hoc eſt ſub regione

D. Io. Dama
ſc. de Dormi
tione *Deip.*
ſur. tom. 4.
nēſe *Iulio*
le 5. *Goari*.

Bellarmin. to.
3. controuer
ſiarum.
Genef. c. 7.
d. 11.

Caiet. in ver
ba *Mofes* ex
Genef. c. 7.
qu. 19.

regione accis, in qua generatur Pluuia. Quò sit ut non aduersetur Sa-
gra Scripturae exceptio cacuminum montium super eminentiam vni-
uerso caelo in quo generantur Pluuia, & alia huiusmodi. Attestatur
quoque hujc sensui communis exceptio Montis, in quo est Paradisus
terrestris, ubi Henoch erat tempore Diluuij adhuc ibidem videns. Nec
propterea saluati sunt Homines aliqui in certaminibus omnium mon-
tium, quoniam ut Dominus dixit in Euangelio: Homines illius tempori-
is non credebant Diluuium futurum: & ingruentibus repente tam in-
gentibus aquis subter, & supra, ruentibusq; ex montibus immensis aquis
in praeceptis, impeditur accessus ad tantam illorum montium celsitudinem.

Hac Caietanus, ut sui moris est, acutissime proferit.

Excipiat igitur Paradisus, ad cuius limites aquae peruenientes
in more fornicis, et quasi camerati operis coaluerunt, cõseruati causa.

Excipiat Paradisus, qui ut natalis aut delectabilis insula,
praeminere aquis potuit, tute fluitans.

Excipiat Paradisus ex Ambrosio.

Quia nulla ibi ex Diluuijs pluuiarum essentia, non terrarum aridita-
tibus, aut grandinis tactu, aut quacumque ex causa soli yberis sterilita-
te locus ille mulcatur.

Epistola in medio Imbre sine Imbre D. Bernardus scripsit: O
am vndiq; plueret, chartam expositam virtus operuit charitatis,
(Quo nimirum Elementa deseruiant Dei seruis.) Quid mirum se
in vnus Sæcli Henoch grat. a, erumpentes caelo Imbres a felici Pa-
radisi placida repellantur? Totum id Monopolita.

Temperies Paradisi, & puritas aeris superpositi illi Regioni defendi-
tur ministerio Angelorum a nubibus, ventis, & pluijs, & ab omni per-
turbatione in perpetuum: quia propter peccatum Hominis nihil indi-
spõsitionis passa est, nec in ejus Aere vsque ad Cælum, nec in substantia
terraz vsque ad centrum, sed adhuc perseverat in illa optima disposi-
tione, quam habuit ante peccatum, & habuisset in statu Innocentiæ, in
memoriam Originalis integritatis.

Cum sto breuitatis gratia, qua prosequitur.

Et si video, in firmum hoc defensionis genus a Patre Virgas cen-
seri, qui ad extraordinariam Dei potentiam, ac miracula minimè
credibilia pronocari nolit. Respondeat itaq; Num miraculosa fue-
rit Arca natantis Gubernatio? Certè negare non pote, quod cum
D. Augustino Chrysostomus affirmat, iam hunc adum.

An non Arcam hinc, & illinc moueri, & non submergi a tanta aqua-
rum vi, cum nullus esset Gubernator, supernæ erat Gratiæ? Non enim
dicere potes, quod fuerit ad modum Nauis, ut arte quadam illius iter
dirigi potuerit. Arca erat vndeque clausa, & munita, & propter
Præceptum Conditoris non solum eam ledere non potuit aquarum im-
petus, sed sublimior illis facta, inhabitantes admodum securos fecerit.

Quid

Matth. 14.
Lucæ 17.

D. Amb. h. e.
x. m. e. lib. 3.
cap. 10. 11. 12.
Miraculum
D. Bernardi.

Monopolita
Dec. 1. c.
3. 9. 7. 9. 8.
stuncula p.
ex senti. D.
Tho. in sũ-
ma p. p. qu.
103. & alijs.

Vigas in A-
pocalypsim
ca. 11. com-
ment. 5. 5. 5.

D. Aug. lib.
15. de Ciuit.
Dei cap. 17.
D. To. Chy-
sost. homil.
21. in Gene-
sim.

Scorus in 2.
sententiarū
dist. 17. q. 2.

Quid adhuc Pater Viegas? fateatur ergo cū subtilium Principe, quoddam Diluuium Generale miraculosē contigit: Ita miraculo factum, ut Paradisus à Diluuij seruaretur exitio.


Præstat deniq. cum Vniuersali Patrum Consensione fateri, Paradisum etiamnum in terris existere, propter Sanctissimos Heroes Henoch, & Eliam in eo permanentes, extremaq. mundi tempora præstolantes, ut tandem dent Gentibus penitentiam; Interea temporis quiete summa, & contemplationis sublimitate fruuntur. An autem Intuitiua, & facili Visione dignentur? longiori sanè & altiori indagine indiget; Nosq. Diuini Luminis interuentu, peculiari disputatione postea demonstraturi: Nunc ponamus ob oculos, quanta sit Felicitas Elia Carmelitarū Principis, & Henoch in Paradiso viuentium. Eandem verò Rationis paritate quadam, cum D. Augustino coniectantes, ita delineemus:


Viuebat Homo in Paradiso sicut volebat, quādiu volebat, quod Deus iusserat. Viuebat fruens Deo, ex quo bono erat bonus: Viuebat sine vlla egestate, ita semper viuere habens in potestate. Cibis aderat, ne esuriret: potus, ne sitiret: lignum vitæ, ne illum senectū dissolueret: Nihil corruptionis in corpore, vel ex Corpore illas moestias vllis eius sensibus ingerebat. Nullus intrinsecus morbus, nullus ictus metuebatur exerinfecus. Summa in Carne sanitas, in anima tota tranquillitas. Sicut in Paradiso nullus æstus, aut frigus, sic in eius Habitatore nulla ex cupiditate vel timore accedebat bonæ voluntatis offensio. Nihil omnino cruite, nihil erat, inaniter letum gaudium verum perpetuabatur ex Deo in quem flagrabat Charitas ex corde puro, & conscientia bona, & fide nō ficta. Non lassitudo fatigabat otiosū, nō somnus præmebat inuitum.

Hac Augustiniana verò, quæ & Henoch & Elia felicitati representanda accommodari non incommode possunt.

Clausimus Augustini sermone nostrā ac Paradiso Tractationē Quantulacumq. sit, ad sacrarium Reuerendissimæ Paternitatis Vestrę sistitur; Parenti Optimo Observantiæ monumentum dedicatur æternum. Obsecro Deum interim, & repetens iterum, iterumq. rogabo, ut Magnō Parenti GREGORIO GENERALISSIMO PRÆSVLI CANALIO: Scientissimo P. Magistro IO. STEPHANO BARBERIO PROCURATORI GENERALI: Totiq. PATRUM CORONÆ DOCTISSIMORUM in omib. Generalibus, Paradisiacæ Beatitudinis Dona, ac Bona largiatur.

F I N I S,







ALLEGRI

LABORAZ.
RESTAURAZ.
LIBRI

PARMA

